

Matias Aliwan wantaim ol sampela man bilong kago i stap antap long Maunten Hurun (Turu). Spika bilong em, Daniel Hawina tu na bikpela lain man moa i stap wantaim em.

KAGO HETMAN RAUSIM STON

OL STORI NA POTO LONG DISPELA PES I KAM LONG EDITA NA RIPOTA BILONG NIUSPEPA WAN-TOK. TUPELA I BIN STAP WANTAIM OL MAN AN-TAP LONG MAUNTEN HURUN.

Tude (7 Julai) Matias Aliwan wantaim bikpela lain ol man i wetim kago i bin rausim tupela ston simen i stap antap long Maunten Hurun (Turu) i stap klostu long Yangoru long Is Sepik Distrik.

Taim Matias Aliwan i kamautim tupela ston simen, planti man moa i sikirapim graun i pas i stap long tupela ston simen na karim i go long ples bilong ol. Planti ol man i bin karim tupe-la ston simen i go daun long maunten, na bringim i go long Yangoru Patrol Pos na givim long kiap. Aliwan wantaim 12-pela man i stap antap yet long maunten Hurun. Ol man i amamas na singaut taim ol i lusim Maunten. Ol i go pas long ol man i karim ston simen. Ol man i wok long beten tu wantaim.

Long Tunde Moning Daniel Hawina i tokim bikpela lain man i kamap long Marambanja olsem. Em i tambu tru i no inap long ol man i ken karim ol naip, tamiok, spia na masket wantaim ol long maunten.

Ol toktok bilong kago i bin kirap samting olsem tupela yia bipo taim Aliwan na Hawina, tupela i bin lusim kalabus. Long mun Mai ol hetman bilong kago i tok ol i redi long ofaim tripela sakrifais antap long Hurun.

Long tingting bilong ol em wanpela pasin bilong mekim kago i kamap.

Ol i no bin kilim indai wanpela man tude, tasol i gat planti man i redi long givim laip bilong ol sapos gavman i pasim ol long rausim simen ston. Tasol gavman i no pasim ol liklik.

Matias Aliwan i tokim ol ripota olsem: nau ston i raus pinis na ol gatsamting bai i kamap long ol gaden na bus bilong ol man klostu long maunten.

Planti man moa bilong olgeta hap i bin kamap long Yangoru long wik i go pinis, ol i laik memba long lain bilong kisim kago. Ol i mas tromoim mani. Daniel Hawina, spika bilong kago i tok inap nau' ol i bungim pinis inap \$21,572. Bipo em i tok long salim dispela mani i go long Kanbera long matmat bilong ol soldia indai pinis. Tasol nau Daniel i laik kirapim wanpela asosiesen.

Yu ken painim moa tok na piksa long las pes tru.



Wanpela ston ol i rausim antap long Maunten Hurun.

PAS I LUKIM LONG EDITA

Sapos yu gat tok yu raitim sotpela tasol. Sapos yu raitim longpela bai mipela i sotim. Yu mas raitim nem bilong yu tru long bigeta pas i kam long mipela. Sapos yu no laik mipela prinim nem bilong yu tru, orait yu raitim arapela nem bilong yu tu.

Kibung Long Sande

Dia Edita.- Mi no amamas long dispela. Long Lokal Gavman Kaunsil i save mekim kibung long Sande, insait long ples long de bilong mekim lotu.

Mi lukim long hap bilong mi long Maprik, sampela Kaunsil i save mekim olsem, na tingting bilong mi, mi no laikim.

Yes, mipela pasto na misinari i laik wok wantaim Lokal Gavman Kaunsil, na givim gutpela tingting long ol manmeri long lotu long Sande.

Tasol, ol i bungim ol

manmeri na mekim kibung long ol long Sande. Mi tingting em i no gutpela pasin. Mi ting bai ol Kaunsil i ken kibung long de bilong wok tasol, na long Sande larim mipela pasto na misinari long givim lotu long ol.

Mipela i laik wok wantaim long helpim ples bilong yumi, long i stap long gutpela pasin bilong God tu.

Yes Lokal Gavman i mas tingting na helpim mipela pasto na misinari.

Dilas Sakapuk.
Wewak

Lukim Yumi Olsem Pig Na Dog

Dia Edita.- Mi laik skruim liklik tok bilong wantok ya, S.T. Luke Yes, wantok, ating yu i gat gutpela save, na tingting bilong yu tu raitim dispela toktok long ol wanskin bilong yumitupela, ol plisman.

Man, man, ating wantok mi tu helpim yu na toktok liklik long ol plisman. Yu lukim taim ol man i stap insait long Hotel na ating ol i spak pinis na i laik giaman pait. Man, em bai yu lukim ol wanskin plisman ya bai i kam kwik long liklik blupela ka bilong ol. I kam tasol na i no ken isi na kisim ol

spakman. Em bai paitim ol spakman nabaut long liklik (stik kopi) bilong ol na putim ol long liklik waia banis bihain long blupela ka bilong ol.

Ating ol wanskin plisman bilong yumi ol i no gat sori bilong ol o marimari bilong ol, no-gat tru. Olsem na ol i lukim yumi olsem pik o dok.

Yu husat wanskin plisman sapos yu gat tingting bai yu ritim dispela toktok na krai o sori.

Narupunaung L. Kacgagi
Mape R.
Bulolo

Kaunsila i Bekim Tok

Dia Edita.- Mi laik bekim pas bilong wantok hia Jacob.L. Hunowara, Sassoaya. Insait long Wantok niuspepa yu mekim tok olsem long patrol o wok bus ol kaunsila i save bihainim bikrot tasol na singaut i go long ol pipel long bikbus. Na yu tok ol kaunsila i no save goapim maunten na brukim wara long bus.

Dispela olgeta tok hia yu rait long Wantok Edita na mi lukim. Yes wantok mi laik bekim liklik ol poin toktok bilong yu. Dispela ol toktok bilong yu i sutim hat bilong mi na mi kalap nogut tru ya. Mi wanpela Memba bilong Ambenob Lokal Gavman Kaunsil insait long Madang Distrik.

Dispela ol poin yu toktok, yu toktok long mipela olgeta Kaunsila long Teritori long Papua na Niugini? O yu toktok long kaunsila bilong yu long distrik bilong yu yet? Dispela mi lukim em i no stret long pilim bilong mi.

Sapos dispela toktok i karamapim mipela olgeta kaunsila insait long Papua na Niugini em i no stret tru. Sapos yu toktok long ol kaunsila long distrik bilong yu yet, em i gutpela tru. Na dispela toktok bilong yu mi ken bekim stret tasol long yu.

Yu mas tingting gut na kamapim dispela kain toktok. Bikos yu no lukim mipela olgeta kaunsila long wok bilong mipela o tingting bilong mipela insait long olgeta Distrik long Teritori bilong yumi. Olsem na mi

bekim dispela ol toktok bilong yu gen. Sapos yu lukim i no stret - orait yu ken bekim long Wantok niuspepa na mi ken bekim na lukim gen.

Bel Besades,
Madang

Chimbu i Tok

Dia Edita.- Mi wanpela man bilong Chimbu. Nau mi stap wok long Sogeri Haiskul long Port Moresby. Nau mi laik skruim sampela moa tok long pas bilong skulboi hia Joe Gari-Uri yu bin prinim long Wantok long Trinde, Februari 3, 1971.

Planti leta mi bin kisim long ples i save tok olsem: "Ol masta na ol planti saveman i kam tok planti tumas long selp gavman. Mipela ol papamama bilong yu long ples i laikim yu mas i kam bek long ples na sindaun wantaim mipela. Nogut selp gavman i wanpela birua o man i dai o nogut heven na graun bai pinis. Olsem sapos dispela ol samting hia i kamap bai yumi i stap wantaim na lukim."

Dispela hap leta i mekim mi pilim ol man long planti hap bus bilong Teritori i no save gut long as bilong selp gavman. Olsem na mi pilim gavman na ol man i gat save i mas traim hat na skulim ol man i go inap 10-20 yia moa pastaim, orait yumi ken tingting long selp gavman. Nogut yumi skrap tru long selp gavman kwik na ol sampela man bilong yumi i no save gut as bilong selp gavman. Yumi mas wet; i no ken skrap.

Hubert Nabahosti
Gumine, Chimbu

Tripela Tok Bokis

Dia Edita.- Mi ritim wanpela pas long Wantok na mi amamas. Em i tru hia ol sampela man ol i save tok bilas long tok ples bilong yumi. Sampela yangpela man na meri i bin skul long tok Inglis. Ol i-lukim tok pisin olsem samting nating. Na ol man i skul long tok pisin i lukim tok Inglis olsem samting nating.

Sori, ol pren, mi wanpela rabis boi tru. Tasol mi laikim tru long kisim tripela spia wantaim. Sapos abus i kam longwe tru, bai mi sutim long katres. Na sapos em i kam longwe liklik, em bai mi sutim long banara. Na sapos abus i kam klostu tru, em bai mi sutim long spia. Mi mekim tri-

pela tok bokis.

Na yu husat man yu ken skelim dispela tripela tok bokis bilong mi? Mi makim longwe tru long katres, em tok Inglis. Sapos mi stap wantaim wanpela man bilong Inglis, em bai mitupela i mekim tok Inglis, long wanem em i no save long tupela tok ples. Na sapos mi stap wantaim man bilong tok pisin, em bai mitupela i mekim tok pisin tasol. Long wanem em i no save long tupela tok ples. Na sapos mi stap wantaim wanpela man bilong distrik bilong mi bai mitupela i mekim tok ples.

Olsem mi laik long kisim tripela tok ples wantaim.

Mi Japut Nendec
Lae

Singsing Tumbuna Long Lotu

Dia Edita.- Mi wanpela skulboi bilong St. Joseph Teknikal Skul. Mi laik autim laik na tingting bilong mi, long wanpela man nem bilong em A. Lavuk. Em i tok ol manmeri i no laik lotu pisin, na ol i laikim lotu latin long bikpela pestode na krismas. Na ol i no laik long nupela nek bilong singsing ol i kolim Kanam na Yuangam long singsing bilong misa.

Yes, ol pren, yupela i les long harim na no laikim ol dispela samting bilong yumi na yu ting bilong yumi na yupela laikim latin em i no stret. Bilong wanem latin em i tok ples bilong ol sampela kantri.

Na pisin em tok ples bilong yumi, na yumi no ken toktok long tok ples bilong sampela kantri.

Lukim, ol sampela man long Afrika ol i save anaim God long tok ples bilong ol yet na yusim ol samting bilong tumbuna tu long long anaim God. Tasol yumi long Papua Niugini yumi save yusim ol samting bilong waitman. Em i no stret. Olsem na nau long dispela taim em i gutpela long yumi ken bung wantaim na kirapim ol nupela lotu singsing long tanim sampela nek bilong singsing bilong tumbuna long misa.

Bruno Nabar
Morobe

Ami Smokim Ol

Dia Edita.- Plis mi save harim planti man na meri long haiskul, ol memba bilong Haus Asembli tu, ol i save tok kros long ami bilong yumi. Plis mi tokim yu sapos yu skulman na meri, yu ting yu saveman oltaim. Plis ating mobeta yu ken go long Murray Barracks na tokim ol bikman i bosim ami bilong Papua Niugini. Ating bai ol i tok wanem long yu?

Plis yu ting yu inap lukautim dispela kantri? Sori, poroman, mi sori tumas, Nating yupela manmeri yupela bilong wasim haus pekpek tasol. Save bilong yupela bilong rit na rait long poromeri

bilong yupela tasol. Yu no inap lukautim kantri.

Yu husat memba yu ting ami bilong Papua Niugini i save harim tok bilong ami bilong Australia. Memba, mi tokim yu em i tru. Mi save P.I.R. i no save kisim mani bilong Papua Niugini. Ol i save kisim hap mani bilong Australian Ami. Em i tru mi save sapos ol i kisim pe bilong T.P.N.G. orait bai ol i kisim tu oda bilong P.N.G. Tru P.I.R. em ol ami bilong T.P.N.G. tasol Australia i lukautim. Bihain selp gavman orait Australia i givim long mipela, na bai em i tok em i ami bilong yu nau.

J. Bernard Mokus
Taurama Barracks

Laikim Tok Pisin

Dia Edita.- Nau mi wanpela man bilong Sepik tasol nau mi stap stadi long Yunivesiti bilong Papua Niugini. Mi laik mekim sampela toktok long dispela tok pisin.

Planti man i tok pisin em i no gutpela tok. Mi bilip tru olsem pisin em i wanpela tok ples tru bilong ol man bilong Niugini. Olsem na mi laik bai ol tisa i yusim pisin long skulim ol manki long praimer skul. Olsem tu i no yusim tasol olsem tok ples tasol em yet tu i mas wanpela skul wok. Dispela i min olsem, ol manki bai i lainim tok pisin olsem ol i laikim tok Inglis. Tu i min olsem bai ol i lainim gutpela tok pisin na i no dispela hapkas tok pisin oltaim mi harim o ritim long niuspepa ol i save raitim. Mi laik tok o helpim toktok bilong wantok hia Pater Mihalic

bilong Wirui.

Nau mi laik tok tu olsem, Inglis em i olsem tok pisin tasol, i no narakain. Inglis i bin kisim planti hap tok o ol wod bilong em long ol narapela tok ples, olsem Frans, Latin, Krik, na planti narapela. I olsem tu tok pisin i ken kisim ol hap tok bilong Inglis o ol narapela tok ples bilong Niugini. Pisin i no rabis long hap tok nogat. Em i pulap tru.

Olsem na mi laik tokim wantok Papuan Niu Ginian tisa long tingting gut pastaim bihain ol i ken rabisim tok pisin. Mi na ol planti narapela pren bilong mi i bilip pisin em i gutpela tok na olsem na mipela laik lukim bai pisin i mas wanpela subjek bilong en yet insait long skul program.

Tony Bais
U.P.N.G.
Port Moresby

Niugini Nius

Kisim Ona Long Kwin

Em hia lain manmeri i kisim ona long kwin:

Mr. M.T. Toliman, C.B. E. Kokopo. Sister M. Camillus, O.B.E. Port Moresby. Rev. Wm. Ross, O.B.E. Mt. Hagen. Mr. Soa Ubia, M.B.E. Hoskins. Mr. Libabalom, B.E.M. Kerowagi (Chimbu). Saiden Tainabango, B.E.M. Maprik (Is Sepik). Saiden Weho, B.E.M. Port Moresby. Kernel D.F.W. Engel, O.B.E. Port Moresby. Mesa W. Kelly, M.B.E. Boroko. Saiden Awibabara, B.E.M. Port Moresby. William Michael Burns, Plis medal. Rabaul.

Bikpela So Long Bougainville

Wakunai Lokal Gavman Kaunsil i bin makim de namba 13 bilong Septemba olsem de bilong bikpela so long hap bilong ol.

Ol i laik bai planti pipel i kam lukim olkain gutpela wok didiman ol man long hap bilong ol i bin mekim. Bai ol fama i bringim ol gutpela pik na meme na paul bilong ol i kam. Nambawan pik na paul na meme bai i kisim prais. Na ol i wetim samting olsem 20 bulmakau tu i kam. Ol man i ken lukim na amamas long ol.....na sampela pik na paul samting, ol i ken baim tu.

Plantia fama hia bipo i stap long St. Patrik Didiman Trening Skul long Mabiri.

Wakunai kaunsil i bin salim tok long namba wan gavman, Mr. Johnson, i kam na statim dispela so.

Ating bai ol man bilong Wakunai i bringim planti kaving bilong ol, na planti naispela banara, na supsup, na spia. Ol tu i hop bai ol man bilong Hailans i kirapim wanpela singsing bilong ol. Long apinun bai planti paura i pairap.

Ol Mataungan

I Mekim

Gutpela Pasin

Tru

Long mun bipo mipela i bin tok mipela i pret bai trabel i kamap namel long ol Mataungan na gavman. Long dispela taim ol Mataungan i no laik putim nem bilong ol i go insait long wanpela buk ol i kolim "Common Roll". Man i no putim nem bilong em long dispela buk, em i no inap vot.

Nau mipela i hepi long ripot ol Mataungan i tok ol i laik wok wantaim gavman na ol narakain pipel tu. Ol i gat narapela kain tingting nau, na em i gutpela nius tru. Mipela i hop bai ol Mataungan i go het long dispela gutpela pasin. Ol Tolai i saveman tru na lida tru; gutpela eksampel bilong ol i ken helpim Niugini planti moa.

Tromoim Fifti Dola

Long Pamaua Viles 51 man i orait long tromoim fifti dola fifti dola long wokim wanpela nupela rot i ken kamap long ples bilong ol. Ol i laik baim wok bilong wanpela bulldok. Inap nau ol i bungim pinis \$980.

Winim Olgeta Skul

Karkar Haiskul long Madang Distrik i winim pinis 1971 Grolier Sekonderi Skul Laibreri Progres Award. Dispela em i wanpela kain presen ol i givim i go long haiskul em i go het tumas long wok bilong lukautim gut haus buk bilong em. Presen em inap long \$200.

Karkar Haiskul i bin winim olgeta skul insait long olgeta biktaun long Australia long dispela presen. Tupela arapela skul long Teritori em long Kila Kila na Bumayong tupela tu i kisim gutpela nem.

Kibung Long Japan

Long mun Ogas bai 15 tisa bilong olgeta hap bilong Papua Niugini i go long wanpela woksap long Kyoto, Japan. Bai i gat 250 tisa bilong Asia i kamap long dispela kibung.

Bai ol deliget i autim ol wari bilong kantri bilong ol na i kisin nupela tingting long olkain samting bilong skul. Bai ol i toktok long ol pasin tumbuna bilong ol nupela kantri, long pasin bilong helpim ol skul liva, na pasin bilong helpim ol man i no gat wok.

Em hia nem bilong ol deliget bilong yumi: Mr. Peni Banami (Sentral), Mr. Pat Ila'ava (Saten Hailans), Sister Marietta (Sentral), Mr. Likius Lono (Bougainville), Mr. Ronnie Bensen (Madang) Mr. Ila Vele (Isten Hailans), Miss Si'ilam Ka-

deu (Morobe), Mr. Raiman Bilak na Miss Dora Moata (Is Nu Briten), Mr. Tago (Noten), Rev. William Tokilala na Mr. Philip Evura (Sentral), Mr. Arnold Koim (Westen Hailans), Mr. Canisius Sau (Wes Sepik), Rev. John Momis (Bougainville).

Bungim Plantia Australian

Miss Sophie Vuvut bilong Rakunai viles i bin kam bek pinis long Sydney. Em i skul tripela mun long bikskul bilong trenim ol ofisa bilong gavman bilong Papua Niugini.


Miss Vuvut em i ofisa insait long Gazelle Lokal Gavman Kaunsil. Em i namba wan taim wanpela meri i kisim dispela wok insait long gavman bilong Teritori.

Miss Vuvut i bungim plantia Australia i pren tru bilong Papua Niugini na ol i bin askim plantia samting long kantri bilong yumi.

Lusim Kot

Wanpela Papua, nem bilong em Peter Ivoro, bilong Goilala Distrik i lusim kot. Nau em i mas givim laip bilong em yet bikos kot i bin soim em i kilim pinis indai wanpela meri Papua nem bilong em Diamon Jago. Peter i tingting plantia na i mekim; i no samting bilong hariap. Kot i ting tu em i bin kilim indai wanpela Australia, nem bilong em Dayle Wilson.

Pasin bilong man i lusim kot olsem, bai ol i mas hangapim em long nek inap em indai tru.





WIL BALUS BILONG

ANSETT

YU LAIK FLAI LONG WANEM HAP
ANSETT I HEPI LONG KARIM YU I GO

Ansett I Gat Olkain Balus
Smok Balus Tri Ensin Tu Ensin Wan Ensin



We're inaugurating new services all the time. Like our new daily services to Kieta (Bougainville). And now we've made application for the right to fly direct to the American-owned island of Guam. Our fleet of modern aircraft has been increased by the addition of the brand new Twin Otter 300 series. Our staff is continually increasing and so are our world-standard facilities. In every way Airlines of Papua-New Guinea is truly representative of the vigorous growth of the Territory. Together, we're really going places.

ANSETT AIRLINES OF PAPUA NEW GUINEA
in conjunction with Ansett Airlines of Australia.

INSAIT LONG OL POLITIK

(I KAM LONG NEW GUINEA NEWS SERVICE)

lo bilong graun

Long las miting bilong Haus Asembli ol memba i bin wok long kamapim sampela nupela lo bilong bosim ol graun bilong Papua Niugini. Tasol ol i mekim mekim, nogat. Ol lo hia i hat tumas na ol memba tu i gat planti kain tingting long ol dispela lo. Olsem tasol ol i vot, na ol i larim dispela ol lo i stap inap long yia bihain.

Nau mipela i laik kolim ol dispela lo bai yu ken lukim ol na tingting long ol.

Pastaim yumi mas save gut long wanpela samting. Em hia: graun em i bikpela samting tru long laik bilong olgeta pipel bilong dispela teritori. Bipo na tude yet planti lain i save pait long graun tasol.

i ken dinau

Long tingting bilong ol Papua Niugini wanpela man i no ken baim graun. Em i ken dinau long graun inap long sampela yia. Tasol dispela graun bihain bai i mas kam bek long papa bilong graun. Papa bilong graun em tu i no ken salim graun. Graun i no bilong em tru. Gavman em i kisim nating long ol tumbuna indai pinis na em i holim long ol tumbuna i no kamap yet. Bihain bai em i mas givim long ol pikinini bilong em. Em lo bilong ol ples long Niugini. Sapos man i salim graun, bihain bai ol pikinini i kam na i laik kisim pe wantaim moa. Ol i tok: em graun bilong mi na mi no kisim pe. Planti waitman i no save long dispela lo bi-

long ol pipel. Ol i no save wanpela man bilong Niugini o Papua i no inap salim tru graun bilong em. Em i ken wok long en, mekim bisnis, kisim wara na kaikai long en, wokim haus antap long en, kisim takis long ol man i yusim graun bilong em, na arapela man i ken dinau long dispela graun. Tasol dispela papa bilong graun em i no ken salim graun. Em i no ken kisim pe na lusim hap graun inap oltaim. Nogat.

bikpela wari

Orait, sapos em i pasin bilong Niugini, ol bisnisan i wari. Nogut ol i wokim sampela bikpela faktori o bikpela plantasin antap long graun ol i baim pinis, na bihain long sampela yia pikinini bilong papa bilong graun i kam i laik rausim bisnisan long graun na i tok em i graun bilong em. Long tingting bilong ol waitman, sapos ol i tromoim mani na baim wanpela ka, dispela ka i bilong ol inap oltaim. Long graun i wankain: sapos ol i baim, em i bilong ol inap oltaim.

4-pela lo

Bilong stretim tingting gavman nau i laik putim 4-pela lo. Em hia: 1.) Bai i gat wanpela dipatmen stret bilong bosim ol graun. Dispela dipatmen bai i gat ofis long olgeta distrik. Insait long ofis bilong en i gat ol ripot bilong

olgeta hap graun long dispela distrik. Tasol em i laik bilong papa bilong graun bilong givim dispela ripot, bilong tok we stap ol arere bilong graun bilong em, na autim olkain tok olsem.

Dispela ofis tu bai i helpim ol pipel, nogut narapela man i kam grisim ol na stilim graun bilong ol. Na sapos papa bilong graun i laik salim, orait, ofis bai lukaut em i mas kisim gutpela pe. Sapos narapela man i laik dinau long graun inap sampela yia, em tu i orait, Tasol ofis bai i makim gutpela pe i kam long hap bilong papa bilong graun.

2.) Bihain bai ol man bilong sampela sampela hap bilong teritori tasol ol i mas givim ripot bilong graun bilong ol. Long arapela hap, em i laik bilong papa bilong graun yet. Tasol papa bilong graun i no inap salim graun o mekim bisnis long en, sapos ripot bilong dispela graun i no stap long buk bilong gavman.

3.) Olgeta papa bilong graun i stap long wanpela hap distrik bai i bung na mekim sampela wantok olsem komiti bilong lukautim gut olgeta graun long hap bilong ol. Wanpela man i ken baim graun sapos dispela komiti i orait long em. Sapos nogat, bai em i no inap.

4.) Pasin bilong wanpela lain o wanpela viles i gat graun bilong en, em i orait. Long ripot bilong graun ol i ken kolim ol man bilong ples o bilong lain olsem papa bilong graun.

Orait nau, ol memba

bilong Haus Asembli ol i ting wanem long dispela ol lo?

Pangu Pati i no laikim dispela ol lo i kamap yet. Mr. Tony Voutas, namba tu bilong ol, i tok mobeta yumi askim ol papa bilong graun long ol dispela samting pastaim. Em samting bilong ol. Ol yet i mas tok.

Mr. Yauwe Wauwe Moses bilong Chuave (Chimbu) i laikim dispela ol lo i kamap kwiktai bai kantri i ken go het hariap.


no laikim tru

Mr. Oscar Tammur bilong Kokopo (Rabaul) i tok pipel bilong em i no laikim tru dispela ol nupela lo. Em i tok mobeta yumi wet inap selp gavman i kamap, na ol Papua Niugini stret i ken wokim lo bilong graun, bilong ol.

Namba tu gavman, Mr. Tony Newman, i kirap tokim ol memba olsem: gavman i amamas long lukim planti man i no laikim ol dispela nupela lo bilong graun. Tasol sori, i no gat wanpela memba i bin bringim wanpela nupela tingting long helpim dispela wari bilong graun. Gavman i lusim planti mani pinis, i raun long planti kantri na i lukim lo bilong graun bilong ol.

Long Haus Asembli tupela memba i mosen long tekewe dispela 4-pela nupela lo bilong graun. Ol memba i vot na ol i rausim ol dispela lo. Ol i laik yumi wet inap long yia bihain, na nupela Haus Asembli i ken stretim dispela tok.

OLGETA HARIM GUT!



Dispela sop pauda, ol i kolim "COLD POWER" i nambawan tru. Em i wasim na rausim tru ol kainkain pipia long ol klos bilong yu.

Dispela sop pauda i gat wanpela kain strongpela marasin long en i save mekim save tru long rausim ol kain pipia – long ol klos.

Yu ken usim wara long tang or long wara nating. Dispela i kol wara. Sop "COLD POWER" i strong moa na i ken rausim ol pipia long klos bilong yu.

Retskin Niuginian

Dia Edita.- Yes, ol wantok, nau mi laik aut-im wanpela liklik toktok bilong mi. Bilong wanem ol sampela retskin man ol i save kam hambak long Bougainville. Taim ol i kam wok hia long Bougainville, ol i save krosim nating ol lokal pipel bilong hia. Maski liklik samting, ol i save kros nogut tru. Taim ol i kros ol i save paitim ol man wantaim hevipela samting olsem naip, akis, na ston. Mi ting em i no gutpela pasin i olsem. Ol i save mekim ol sampela man i karim pen, na kapsaitim blut long bodi bilong ol.

Mi wanpela meri bilong Bougainville yet. Mi save stap long Tearouki long skul bilong trenim ol nes, long hap bilong Teap-Tinputz. Mi save lukim planti man ol i save kam long haus sik wantaim ol sua long het bilong ol na long bodi bilong ol. Em ol retskin

man ol i save paitim ol wantaim ol naip na akis.

Taim mi kolim ol retskin, em i no min olsem olgeta retskin man, nogat. Em ol man ol i save wok long ol plantasin long Bougainville olsem ol Chimbu na sampela Tari man.

Nau long tingting bilong mi i olsem, ol dispela lain man ol i no save gut yet long lo bilong gavman. Em i soim olsem i save pait wantaim ol wantok bilong ol tu long hap long ples bilong ol. Ating i mobeta yumi mas stap gut olsem yumi i wan famili tasol. Hia long Bougainville long dispela taim mipela i save stap gut tru olsem wanpela famili, tasol ol retskin i mekim planti trabel tumas long mipela. Em tasol liklik toktok bilong mi Bai mi amamas tasol long ritim sapos man o meri i bekim pas bilong mi.

Christine Pryke
Tearouki, Bougainville

Kaunsil Bekim Tok

Dia Edita.-Mi laik bekim wanpela pas Jacob L. Hunowara bilong Sassoya i salim i kam long Wantok namba 17.

Bai mi tok klia long yu Jacob long pasin bilong wokbus bilong ol kaunsil.

Pastaim bai mi tokim yu olsem sampela kaunsil long Papua Niugini i gat Helt na Haisin Komiti.

Dispela komiti ol i save bihainim olgeta ples. Maski maunten o wara ol i save go yet long lukim ol liklik ples insait long ol wod. Narapela samting em, ol kaunsila i gat takis miting bilong kisim takis bilong yu.

Komiti bilong kaunsil wantaim kuskus, ol i save raitim wanpela pepa ol i kolim program. Bihain ol i save bringim long bikpela miting bilong kaunsil.

Sapos sampela kaunsila i gat tok long dispela program bai ol i tok long senisim dispela program.

Na yu tok long wanem lain wok bus? Mi ting wokbus bilong kisim takis o bilong kaunsil miting?

Ol kaunsil i gat wari long dispela. Ol kaunsil i no inap go long olgeta liklik ples insait long wod, na mekim kibung, em bai i hat tru.

Brata, sapos wari bilong yu long dispela samting i no pinis, mobeta yu askim kaunsil bilong yu.

Kaunsil long ples bilong mitupela em ol pipel i makim long lukautim sindaun bilong yumi long ples. Ol kaunsil bai i no ken belhat long yu. Ating yu klia nau.

Urban Walian
Rabaul

Ol Boi Bosim Skul

Dia Edita.- Yu mas raitim dispela toksave long niuspepa Wantok. Mi hepi tru long pasin "Boystown" bilong mipela hia long Marienberg. Mipela i bin makim tupela manki Isac na Moses long bosim skul bilong mipela.

Em i gutpela pasin bilong olgeta skul: ol boi yet i makim lida bilong ol bai ol samting i ran stret. Em tasol.

Francis K. Angang
Marienberg (Sepik)

Saveman i Hambak

Dia Edita.- Mi wanpela katekis bilong Denglagu klostu long Mt. Wilhelm. Planti taim mi harim ol i tok long selp gavman. Tasol yumi no ken tok long selp gavman i kamap kwik. Yupela i ting yumi bilong Niugini i wok hat strong? Nogat. Yumi no wok strong olsem waitman long mekim kantri bilong yumi kamap bikpela. Yumi ting long pe tasol.

Sapos man i wok na em i no kisim bikpela mani, em i tok, mi no laik mekim dispela wok gen. Ol i lukim wanpela man i dai long wanpela wok, ol i ting em ples bilong man i dai, yumi no ken

mekim dispela wok. Yumi ol kanaka na man i gat save i tok olsem.

Ol skulboi na meri, planti i save pulim nus na hambak long save bilong ol. Sampela ol i ting, mi save Inglis na ol arapela samting. Mi win. Mi no ken wok long spet. Mi no ken tok gut wantaim kanaka nating.

Yumi no gat faktori bilong wokim mani bilong yumi yet. Sapos bihain ol Australia i pasim mani bilong ol, bai mipela i no gat rot bilong kisim mani na ol samting. Bai yumi go bek long tumbuna pasin.

Wilhelmus Taga
Denglagu

Kaunsil Bekim Tok

Dia Edita.- I no gat wari long dispela tok bilong Jakop Hunowara. Yu tok kaunsil i no save go raun long olgeta liklik ples. Kaunsil i save bungim ol pipel tasol. Na kiap i save go raun long olgeta ples. Kaunsil i no gat treveling alauens na kemping alauens. Kiap i mas go raun long olgeta ples bilong kisim ripot long ol liklik samting long viles tu.

Mi Kaunsil Subeo
Nu Ailan

Lukaut

Dia Edita.- Mi laik toktok long ol bisnis-masta ol i save wok insait long Niugini. Em i gutpela tru. Tasol wanpela pasin bilong ol planti i no stret. Ol planti i no save mekim stret long yumi. Em hia:

- 1.) Ol i no save baim yumi gut.
- 2.) Ol planti i no save givim ol haus bilong slip long yumi.
- 3.) Ol i save mekim yumi i wok hat tru olsem masin bilong ka.
- 4.) Ol i no save lainim yumi gut.
- 5.) Ol i save tok nogut long yumi.
- 6.) Ol yet i save dring ti long moningtaim na long tri klok, tasol yumi Niugini i nogat.

Sapos wanpela Australia man o meri i wok long dispela bisnis-masta oloman, bai em i save kisim gut tok na gut mani na gutpela haus bi-

long slip na ol arapela gutpela samting wantaim. Em i no stret.

Ol bisnis-masta i mas traimekim gut long yumi Niugini sapos yumi wok long ol. Sapos nogat bai i gat trabel.

Taim bilong yumi i klostu pinis. Ol i mas save Niugini em i olsem nupela kantri na i no longtaim bai yumi ol Niugini i kisim selp gavman na bai yumi yet i gat pawa. Ol bai i nogat.

Ol bisnis-masta i mas tingting gut long dispela tok. Yumi no laikim trabel. Ol sampela ol bisnisman ol i gutpela tru na ol planti i nogat. Ol planti i save ting long mani bilong ol yet na gutpela sindaun bilong ol yet, na ol i save kikim as bilong ol buskanaka Niugini manmeri.

Nau em i taim bilong ol. Bihain bai em i taim bilong yumi.

John Keke Lae

Kiap Katim Marit

Dia Edita.- Ol kiap brukim marit. Ol i no save long lo bilong God. Jisas i tok man na meri i marit long haus lotu, i marit pinis. Man i no ken brukim dispela marit. Ol wantok, yupela i ting wanem long dispela samting? Mi ting em i no gutpela samting.

Ol kiap i mas tingim gut long lotu bipo ol i brukim marit. Sapos yupela kiap i no harim dispela tok bai ol misin i kros long yupela. Mi tok long ol plis, ol ofisa, na olgeta man i wok insait long pablik sevis.

Roy Kumbie
Mt. Hagen

Maski Pasim Skul

Dia Edita.- Mi wanpela boi bilong Junior Teknikal Skul long Bulolo. Mi laik save gut long ol distrik haiskul. Long wanem mi no laikim sampela skulboi long sampela distrik i kam na pasim sampela haiskul bilong arapela distrik i gat inap studen bilong em. Mi laikim olsem Morobe Distrik studen i mas i stap long skul bilong em stret, Sepik Distrik bilong em. Na ol arapela distrik olsem tasol.

Sapos yu gat ansa, yu ken salim i kam long Wantok.

Yaru Barnabas
Bulolo

Guise Mas Ritim

Dia Edita.- Mi laik bekim tok bilong Dr. John Guise, M.H.A. bilong Haus Asembli. Long Me 23 em i tok long ABC olsem: tok pisin bilong Niugini em i no tok tru, em i giaman tok tasol.


Olsem na mi laik tokim John Guise nau, aiting 2 milion ol pipel bilong Niugini olgeta i save tok pisin; na ½ milion samting tasol ol i save spikim Motu.

Na tu i gat planti moa buk ol i prinim long tok pisin em i moa yet. Mipela Niugini olgeta i save long tok pisin. Sampela skul bilong mipela i gat pisin lesen i stap. Na tu i gat pisin program long olgeta wik long Mande inap Fraide i

kamap long ABC. Mike Thomas bilong Madang i tok long pisin program olgeta de.

Las tok bilong mi olsem: tok pisin em i namba wan tok long Niugini.

P. Columbus Matin
Mt. Hagen.



Mas Ranim Wantaim

Dia Edita.- Hia nau mi laik autim sampela wari bilong mi. Planti taim mi harim planti man bilong yumi i tok olsem, taim yumi kisim selp gavman bai yumi ranim olgeta waitman i go bek long ples bilong ol.

Nau mi laik tokim yupela. Sapos yu wanpela man i gat dispela tingting longlong long het bilong yu, plis olusim. Tingting gut pastaim, orait toktok nabaut.

Harim, sapos yumi ranim olgeta waitman i go bek long ples bilong ol, bai olsem wanem? Tingting long ol skul, olsem long ol haiskul na koles na yunivesiti, na teknikal. Yumi no gat inap ol tisa bilong ranim dispela kain wok, laka.

Olsem ol misinari na ol wait bisnisman, husat bai kisimples bilong ol?

Mi ting i moa gutpela taim yumi kisim selp-gavman, yumi waitskin na blakskin i mas wok gut wantaim na ranim dispela kantri.

Francis Dama
W. Nu Briten


Brukim Kaunsil

Dia Edita.- Mi wanpela misin Tisa. Mi laikim mipela i brukim kaunsil bilong yumi long tupela hap. Arapela hap em i Wewak But Kaunsil na arapela em i Wewak Ailan


Kaunsil. Long wanem mipela ailan na bikples i i baim takis wankain. Tasol taim mipela ailan i singaut long kisim sampela helpim long kaunsil, ol i no save toktok long dispela na givim sampela helpim.

Olsem na mi laik bai mipela i mas brukim Wewak But Kaunsil long tupela hap, na bai mipela i ken baim takis long kaunsil bilong mipela yet. Taim bilong sentral miting, orait olgeta kaunsila i ken bung long Wewak Haus Kaunsil. Em i tingting bilong mipela pipel long ailan.

Michael Sikanat
Kairiru Ailan



Lans Koprals Tovartowo bilong Rabaul na Praivet Maino bilong Popondetta, tupela i kisim medal long namba wan ofisa bilong 2 PIR, Kernel Liyod. Tupela soldia i draiv na i winim 5000 mail na trak bilong tupela i no kisim wampela liklik bagarap.



Yu gat gutpela ai, laka? I gat 8-pela sating i arakain'long dispela 2-pela piksa. Painim....



Sapos yumi bungim olgeta yia sevis bilong dispela 4-pela soldia, bai yumi kam inap 93 yia. Yumi lukim (kirap long lephan): Koprals D. Peisian bilong Trobrian Ailan (20 yia), Waren ofisa Ginibana Eluda bilong Milne Bay (19 yia), Koprals P. Dauda bilong Popondetta (20 yia), na Mesa Wiseman (34 yia).



Saiden Allen Awibabara i amamas tru long putim bilas bilong wampela medal, ol i kolim M.E.B., em i kisim long kwinqwin yet. Saiden Awibabara i bilong Milne Bay Distrik. Em i joinim Ami long yia 1952 yet na nau em i bosim haus kuk long Murray Bareks long Port Moresby.

WEWAK TIMBERS PTY. LTD.


(MASTA SNO NA MASTA ED)

PHONE 93 & 228

OL HAUS BILONG MIPELA I STRONG TRU
TASOL I KOSTIM LIKLIK TASOL



3 Bedroom



2 Bedroom

(All houses passed by the Building Board)

long somil bilong mipela yu inap kisim olkain plang - painim ol sating i redi bilong wokim haus - painim ol kamda bilong wokim haus

ALL TYPES OF SAWN TIMBER
Low cost houses built or material supplied


Also at:

BOUGAINVILLEA DR. MADANG, PHONE 2214

malala high school — at work — at school — at play




SUNLIGHT SOAP WASHES VERY CLEAN AND WASHES ALL THE DIRT AWAY.




PUT THE DIRTY CLOTHES IN A BASIN OF WATER.



RUB THE CLOTHES WITH GOOD, PURE **SUNLIGHT**.



WASH THE CLOTHES IN THE WATER THEN TIP THE DIRTY WATER OUT.



RINSE THE CLOTHES IN CLEAN WATER



LOOK! **SUNLIGHT** HAS WASHED ALL THE DIRT AWAY! USE **SUNLIGHT SOAP** FOR ALL YOUR WASHING.



EZ1083

Planti pipol oli askim

Tutt Bryant emi gat wonem samting long stoa bilong ol.

Emi gat-planti kain masin nau sperpat long en tu. Nau hia yu lukim sampela mipela igat long stoa long mipela. Sapos yu laikim arapela samting bai yu askim long stoa long mipela long wonem TUTT BRYANT igat planti samting long ol masin, moto nau arapela samting. Em hia mi kolim sampela tasol mipela.

ALLIS CHALMERS <i>(earth moving equipment)</i>	LIGHTBURN <i>(cement mixers)</i>
APAC. <i>(lift gear)</i>	LINCOLN WELDERS
AVIS RENT-A-CAR	KAWASAKI OUTBOARDS
BEDFORD <i>(trucks)</i>	KITTEN <i>(automotive products)</i>
BROOMWADE COMPRESSORS	MERCURY OUTBOARDS
CARIBBEAN BOATS	MICHIGAN LOADERS
DIAHATSU	MONROE-WYLIE AUTOPARTS
DUFFIELD HOSES	ONAN <i>(engines and generator sets)</i>
EQUIPMENT INVESTMENTS <i>(hire purchasing and leasing facilities)</i>	PACIFIC-ACE EQUIPMENT
FIAT TRACTORS	PACIFIC PUMPS
FIRESTONE TYRES	P.E.P. <i>(automotive products)</i>
GENERAL MOTORS HOLDEN	PERKINS DIESEL
GENERAL MOTORS <i>(diesel)</i>	PHOENIX ASSURANCE
HEALTHWAYS DIVING EQUIPMENT	SMITH'S INSTRUMENT
HOWARD <i>(Agricultural)</i>	SUZUKI MOTOR CYCLES
I.S.S. <i>(safety equipment)</i>	VOLVO-PENTA <i>(marine engines)</i>
	YANMAR DIESEL
	YOKOHAMA TYRES



Tutt Bryant Pacific Limited

BRANCHES: PORT MORESBY, LAE, GOROKA, MADANG, RABAU, KIETA
AGENTS: MT. HAGEN, WEWAK, HONIARA (BRITISH SOLOMONS)
WRITE: P.O. BOX 326, PORT MORESBY, T.P.N.G.

IT WILL BE EASIER FOR YOU

to order all your

BOOKS & STATIONERY

from one place!



THE CHRISTIAN BOOK CENTRE

(SALES DIVISION OF KRISTEN PRES INC.)

BOX 222, MADANG, NEW GUINEA

The most comprehensive range of Pidgin literature and stationery in the Territory. A wide range of Christian Literature, Books for New Guineans in easy English, Bibles, Books about New Guinea, German Books, Records, School Supplies and Office Machines.

Price lists available on request

Apply for an account - Approved customers receive monthly information.

Visit our shops

MADANG Nanulon Rd. No. 11
(near the market)

Box 222 Phone 2043

LAE 4th Street and
at Ampo

Phone 2679

helpim bisnis bilong yu

Kain Kain Kampani

Olgeta kain bisnis i mas gat profit, i olsem i mas winim mani. Sapos nogat, bisnisman i long-long; mobeta em i pinis-im dispela wok bilong en. Olsem sapos yu laik kirapim wanpela bisnis, mobeta yu go toktok wantaim Bisnis Ofisa long bikples bilong distrik bilong yu.

Orait, nau yumi laik kisim liklik save long olkain kampani.

Kampani em i wanpela bikpela bisnis. Em i wanpela bisnis i gat planti man i papa tru bilong en; long wanem olgeta wan wan i putim mani i go insait. Ol i mekim olsem wanem? Ol i baim sea. I no longtaim i go pinis planti man na kaunsila i baim sea long Bougainville Mining Kampani. Ol dispela man i baim sea pinis ol i olsem papa tru bilong kampani.

Sapos yumi lukim gut nem bilong dispela kampani na planti arapela kampani, olsem Bipi na Kamda, yumi lukim wanpela tok i stap long arere bilong nem bilong ol. Em hia: "Ltd". Em i tok: "Limited". Em i min olsem: sapos kampani i no ran gut na i lusim planti mani, ol bosman i no ken putim hevi long ol man i baim sea pinis. Ol yet i no mas bekim ol mani kampani i lusim pinis. Nogat.

Orait. I gat tupela kain kampani i gat sea: wanpela bikpela kampani tru, olsem Bougainville Mining, na wanpela smolpela. Nau yumi toktok long dispela smolpela kampani.

Smolpela kampani yumi kolim praivet kampani. Sampela taim ol memba bilong wanpela famili o lain o ples o kaunsil i ken bung na kamapim wanpela smolpela o praivet kampani. Inap long 50 manmeri tasol i ken insait long praivet kampani.

Long kain kampani olsem i no olgeta man i gat wanpela kain strong tasol, nogat. Man i baim planti sea, em i gat bikpela strong, inap long em i ken kostim tru dispela kampani.

Ol man i baim sea, ol i bot na makim sampela man bilong ranim kampani. Em ol direkta hia.

Praivet kampani i gat sampela tambu. Em i no ken larim ol man nabaut bilong ol narapela famili o lain i kam insait baim sea long kampani. Wanpela samting moa: praivet kampani i tambu long singaut long mani long sampela narapela lain na bisnisman. Praivet kampani i no mas ripot long olgeta arapela man olgeta profit o mani em i bin winim pinis.

(Neks taim yumi tok long ol bikpela kampani.)



'READ'

THE LITERACY AND LITERATURE MAGAZINE

- Published Quarterly
- Subscription \$1 yearly

The Editor, Box 43,
P.O., Ukarumpa, E.H.D.



world news

sentenced to death

The Victorian Supreme Court has sentenced to death two teenage youths found guilty of the murder of a 15-year-old schoolgirl.

If the sentences are carried out it will be the first hanging in Australia for four years.

The youths, Christopher Lowery, 19, and Charles King, 18, both of Hamilton Victoria, pleaded guilty to the wilful murder of the schoolgirl who was found near an isolated bush track strangled and trussed with a piece of electrical cord.

death of scientist

The death of Alexai Isayev, the rocket designer who first began the Russian space

programme was announced by the Soviet Newsagency Tass last week.


Engines made under his leadership were mounted in the manned space-ships, Vostok, Voshhod, Soyus and other space stations.

britain joins common market

The future of Europe's economy will be greatly changed following the admission of Britain to the European Common Market, the world's largest trading power.

The six nation community will gain even more strength from the addition of Britain, which being a highly industrial country has many world-wide trading links.

The population of Britain and the six other European countries France, Luxembourg, Belgium, Italy, Germany and Holland, is about 250 million (more than the United States and the USSR)



Waves pour over the main deck of the giant tanker, the "British Explorer" as it continues its 11,300 mile journey from the Middle East to the United Kingdom. The tanker which weighs 215,000 tons consumes about 130 tons of fuel a day.

John Wills Kaniku (right) is a teacher at Badihagwa High School in Port Moresby. He is the author of several short stories and plays and is currently working on his first full length novel.

John is from Logea Island in the Milne Bay District.



OL MATAUNGAN PAIT GEN

Long namba wan de bilong Julai wanpela bikpela pait i kamap long Rabaul. Ol plisman i pait wantaim samting olsem 500 Mataungan.

As bilong trabel em i wanpela kotpepa ol i mas givim long hap bilong wanpela ofisa bilong Mataungan Asosiesen. Em i no laik kisim. Olsem na sampela plisman i kam wantaim ka bai em i mas kisim. Ol i laik kotim em long wanpela pait em i mekim pinis bipo.

Ol plis i kam long Matupit wantaim ka bilong ol. Ol Matupi i kros, i pasim rot bilong ol, na

i subim ol i go bek inap long ples balus bilong Rabaul.

Ol 500 man hia i kamap long ples balus, i brukim planti windo, i rausim banis ain na i taitim em long ples balus olsem na balus i no inap kirap.

Bihain gen planti plis moa i kamap na rausim ol dispela lain paitman. Tasol 6-pela plisman i bin kisim bagarap. Ol plisman i sutim wanpela masket bikmaus bilong pretim ol man.

Bihain Mr. Holloway, man bilong basim ol plis i flai i kam wantaim tupela lain plis moa.




Ben the hippo gives his keeper Dave a very wet muddy kiss after his daily scrub down at the Chessington Zoo, Surrey, England. Ben weighs nearly two tons and his teeth are nearly 2½ inches long.

Nupela Lo Bilong Dring

Long Haus Asembli i gat planti tok nau long dispela taim long wokim sampela nupela lo bilong dring. Planti memba i bin raun pinis long distrik bilong ol na ol i lukim moa moa trabel i kamap long spakpasin bilong ol man. Ol i lukim pait, stil na pamukpasin i pulap long planti taun na ples. Ol dispela pasin i kamap pinis long ol ples i gat hotel o i gat haus dring klostu long en.

As bilong trabel em dring tasol. Man i spak pinis na i laik pait, stil, mekim nabaut wantaim ol meri; o em i laik go bek long haus na paitim ol meri pikinini bilong em. Ol memba long Haus Asembli i bin lukim pinis dispela trabel na ol i laik wokim nupela



lo bilong dring. Dispela lo bai i pasim ol dring long ol hotel na ba long 6 klok stret. I olsem, sapos man i laik baim dring bihain long 6 klok, em i tambu. Olgeta ples bilong dring i mas pas i stap long 6 klok stret.

Dispela tingting i gutpela tasol mipela ol YC lida i bin lukim pinis planti man i kisim pe long 12 klok apinun na i go stret long hotel na spak i stap. Ol dispela man i bagarap long apinun yet na stat long mekim trabel. Tru, sampela man i spak long nait. Tasol ol dispela man i no spak long nait tasol. Ol i stat long san yet na skruim i go. Na, long biknait ol i mekim save tru. Ol i kirapim ol kain kain

trabel. Bilong wanem? Ol i stat long spak long san na pulim i go inap tudak.

Tingting bilong mipela ol YC lida i olsem. Sapos yu laik pinisim ol dispela spakpasin yumi mas pasim dring long sampela aua long apinun tu. Sapos hotel i pas i stap long apinun long tupela aua samting, orait ol man bilong dring ol i no gat dring na sampela bai i go bek long haus, na sampela bai i stap nating long ba na bihain bai ol i go long narapela hap.


Tingting bilong mipela i olsem. Sapos long Sarere yumi opim ba long 10 klok moning na pasim gen long 2 klok apinun, orait ol dispela man bilong spak long san bai lus long dring na i no ken spak moa. Orait, yumi opim ba gen long 4 klok i go inap long 9 klok, bai yumi pinisim planti spakman. Bilong wanem? I no gat taim inap long spak. Yu lukim.

Long Sande i no gat man i save spak tumas. Bilong wanem? Hotel i pas long apinun inap long 4 klok. Sapos yumi pasim ba long Sarere olsem, bai dispela trabel long spak i ken pinis liklik na tu sindaun bilong yumi i no ken bagarap.

Orait, yumi mas tokaut long ol dispela samting long ol kaunsil bilong yumi tu bai ol i ken tingting long wokim wanpela lo olsem long ol wan wan ples ol dispela rong i kamap pinis. Nogut yumi wetim Haus Asembli tasol. Sapos yumi ol


manmeri i strong ol kaunsil yet i ken wokim lo olsem, na pasim dring long ples bilong ol. Em i wok bilong yumi ol wan wan manmeri bilong tok strong long kaunsil long wokim wanpela lo long pinisim ol dispela trabel bai i kamap long spakpasin. Em tasol ol liklik stori bilong yumi YC lida. Yu pilim olsem wanem? I orait tu o no-gat?

SANYO




TEP RIKODA

Smolpela tru. Strongpela moa. I no kostim planti. Yu inap yusim long bateri tasol.



NAMBAWAN REDIO bilong harim musik na nius. Yu baim Sanyo long liklik mani tasol. Karim Sanyo i go long ples bai o i amamas tru, bai yu gat namba.



PIKAP NA REDIO WANTAIM

Sanyo - samting tru. Sanyo - smat moa. Tupela spika. Yu laik harim redio? Orait. Yu laik pilai rekot? Orait. Sanyo i redi - oltaim. Maski lektrik. Bateri inap.

Ol samting bilong SANYO i kamap long dispela kampani hia:

TERRITORY AGENTS

BRECKWOLDT & CO. (N.G.) PTY. LTD.

PORT MORESBY
P.O. Box 1549, Boroko.

MADANG
P.O. Box 185.

LAE
P.O. Box 557.

RABAU
P.O. Box 222.

MT HAGEN
P.O. Box 237.

WEWAK
P.O. Box 178.

KIETA
P.O. Box 77.

Kaunsil Nius

Namatanai

Kaunsil hia i bin wok long pinisim wanpela rot inap long 50 mail, i lusim Namatanai i go kamap long Samo. Dispela rot bai i helpim sindaun bilong 5,000 pipel.

Ol i stretim tu rot bilong Himatu Riva; na nau ol man i gat gutpela rot bilong bringim kopra bilong ol i kam long maket.

Wanpela bikpela wok moa, em nupela bris long Weam Riva. Ol pipel bilong Hibaling, Hilalon, Poronbus, na Himau i bung na wok wantaim long dispela bris. Kaunsil yet i lusim \$7,300 long en.

Gau

Kaunsil hia i mekim \$18,000 long planti kain wok insait long hap bilong en. Ol i laik wokim rot i go long Torembi, kirapim fam bilong kamapim planti pukpuk, sanapim wanpela haus tambaran long Pagwi bai i olsem stua bilong ol kaving. Ol tu i baim wanpela haus bot i slip antap long tupela kanu, bai em i olsem ofis bilong ol man i raun nabaut pampim haus. Bot hia i gat tupela moto.

Rabaul

Gazelle Kaunsil i laik kisim samting olsem 300 eka graun bilong kirapim wanpela skul trening bilong ol didiman o fama. Kaunsil hia i wari planti long ol skul liva, i olsem skulboi i lusim skul long standet 6 na i no gat wok.

Ol skulboi bai i kisim

save long statim liklik bisnis bilong ol, bai tu ol i ken painim wan siling. Kaunsil bai askim Dipatmen bilong Edukesen bilong yesa long dispela tingting bilong en.

Kaunsil hia i lusim \$10,000 long helpim samting olsem 24 viles long kisim gutpela wara bilong dring. Em ol ples bilong Gazelle Peninsula na Duke of York Ailan. Mani ol i kisim long Rural Developmen Fan.

Milne Bay

Duau kaunsil hia i laikim bai gavman i senisim nem Milne Bay Distrik. Ol i laikim nem Isten Papua Distrik. Ol i tok Milne Bay em i wanpela liklik hap bilong distrik tasol na i no stret bai nem bilong en i karamapim distrik olgeta.

Kerema

Em i namba wan taim wanpela meri long Galp Distrik i kamap kaunsila. Misis Fatola Lahia i bin win na kisim ples bilong Mr. Ature Ilave.

Goroka

Dispela kaunsil wantaim ol man bilong bisnis na ol misin i laik wokim wanpela moa hul wara simen bilong swim.

Kaunsil bai i givim \$10,000 bilong dispela wok na i wet long kisim narapela \$20,000 long ol man bilong Goroka. Bi-hain bai olkain man i ken go swim long dispela ples.

Asaro Watabung

Kaunsil hia i pinisim ol raunpela haus bilong ol wokman klostu long Asaro maket.

Kaunsil i kros liklik long ol sampela man i no mekim wok bilong ol long ol bikrot. Nau ol i kot. Na planti man tu i no tromoim takis yet; liklik taim bai ol tu i kot.

Wanpela moa wari bilong Kaunsil em ol tisa i sindaun insait long ol haus bilong Kaunsil na ol i no baim yet.

Manus

Long dispela yia Manus kaunsil bai i bungim samting olsem \$62,000. Ol takis yet bai inapim \$38,000.

Ol i makim samting olsem \$30,000 bilong mekim olkain wok long ol skul na helt na rot na bilong baim wanpela nupela motokanu.

Pomio

Vais-presiden bilong Mengen Kaunsil, Bernard Balatape, i kisim tu wik kalabus long wanem em i tok bilas na i laik pait wantaim wanpela tisa bilong misin long Kaiton.

Madang

Long namba tu miting bilong Madang taun kaunsil ol memba i tingting painim olkain pasin bilong winim mani. Ol i laikim gavman i orait long ol man i mas kam long ol yet bilong baim

ol laisens bilong ol stua na hotel na haus piksa na stua bilong baim mit.

Wanpela kaunsil bilong dispela distrik, ol i kolim Astrolabe Bay Kaunsil, i gat ileksen na 15 kaunsila i kisim bek ples bilong ol, na 3-pela nupela i kam insait. Presiden em i Mr. Gau Jabile. Dispela kaunsil i bosim 44 viles na 5,714 manmeri.

Milne Bay

Ol i wokim wanpela nupela bot inap long \$6,000 bilong Bwana Bwana Lokal Gavman Kaunsil. Kaunsil i gat planti wok long dispela bot. Bai ol i baim wanpela pang tu bilong karim olkain kago; na namba wan samting ol i mas karim 500 brik o ston simen bilong wokim wanpela et pos.

OL KAUNSIL KUSKUS

Salim ol kaunsil nius i kam long mipela. Salim planti na bai mipela i pulapim wanpela pes olgeta. Tenkyu.

KLASIFAIT


PABLIK NOTIS

WINIM HANWAS. Ritim 1 Korin sapta 15 na raitim stori inap long 500 wot (words) long "kirap bek". Stori i mas kamap bipo long 30 Novemba 1971. Adres: Booklet Box 1096, Boroko.

Wantok Publications
P.O. Box 298, Wewak, i wokim, na Wirui Pres long Wewak i prinim.



Daniel i tok ol mani hia inap long \$21,572 dola.



Daniel Hawina i tokim sampela pipel olsem ol i no ken pait antap long maunten.



Sampela pipel i holim miting long Tunde long Marambanja. Em long de bipo long rausim ston simen.

BIPO GLASMAN I TOK OLSEM

Bipo tupela glasman i gat kain kain tok.

ALIWAN i tok olsem:

1. Mipela bai rausim simen antap long Maunten Hurun bai planti kaikai na abus i kamap long bus bilong mipela.

2. Sapos sampela waitman i laik kan antap lukim mipela i kamautim simen, i orait; i no gat tambu.

HAWINA i tok olsem:

1. Ol mani em i bungim bai i mas go long Kanberra long matmat bilong ol soldia. I mas gat wanpela Anzac De bilong olgeta man long graun; bihain bai independens i kamap.

2. Amerika na Niugini i

pas olsem tupela han. Bai ol Amerika i kam, ol i brata tru bilong yumi.

3. Wanpela misis, nem bilong em Agatha Christie, bai bosim Niugini. Nem bilong Agatha Christie i stap long Baibel.

4. Bihain long independens bai God yet i skulim yumi long olgeta samting. Olsem bai ol skul i no gat wok bilong ol. Olgeta kain save bai i kamap wantu.

5. Tripela man i mas givim laip bilong ol antap long maunten olsem tripela sipsip bilong God. Bihain long tripela de bai ol i kirap bek.

STORI BILONG TRIPLEA GLASMAN

Matias Aliwan:

Em i gat 42 krismas. Em i sindaun i stap long ples Ambukanja, long as bilong Maunten Hurun. Bipo em i plisman long Madang na Goroka. Bihain em i wok long haus balus bilong katolik misin long Wirui (Wewak). Bipo em i stap long kalabus long wanem em i rausim pinis wanpela ston simen antap long maunten. Bihain em i lusim kalabus, em i kirapim tok bilong kago. Em oltaim i save stap longwe long ol man. Em i no man bilong tok-tok; nogat. Planti taim em i hait i stap.

Monika Morago:

Meri hia i gat samting olsem 17 krismas. Em i marit long Daniel. Bipo em i stap long Yarapos Haiskul na i winim Fom 2. Em i raun oltaim wantaim Daniel na skulim em long ol ples bilong Baibel em

i save kolim.

Daniel Hawina Wavingian:

Em i gat samting olsem 40 krismas. Em i tokman na maus bilong Aliwan. Em i no skul planti, inap long standat 3 tasol. Em i save rit gut tumas long tok pisin.

Bipo em tu i stap long kalabus bikos em i helpim ol long rausim ston bilong gavman i stap antap long maunten.

Daniel i bin wok sampela yia long Rabaul long kampani bilong baim kopra.

Daniel i man bilong mekim strongpela tok na em i man i gat strong long tanim bel bilong planti man. Em i bilip moa moa yet long olgeta samting em i driman long en, dispela samting bai i mas kamap. Em tu i ting em i kisim wanpela promis long God. I no gat man i ken sakim dispela tok bilong em.